

UNIVERZITET U SARAJEVU
- SENAT -

Broj: 01-305/16

Sarajevo, 23. 12. 2015. godine

Z A P I S N I K
SA 39. SJEDNICE SENATA
ODRŽANE 23. 12. 2015. GODINE

Prisutni članovi Senata: prof. dr. Muharem Avdispahić, rektor, prof. dr. Zehra Kreho, prof. dr. Dženan Đonlagić, prof. dr. Ugo Vlasisavljević i prof. dr. Faruk Mekić, prorektori, Samir Arnautović, student-prorektor, prof. Marina Finci, prof. dr. Mersad Čuljević, prof. mr. Mevludin Zečević, prof. dr. Željko Šain, prof. dr. Samim Konjicija, prof. dr. Zuhdija Hasanović, prof. dr. Nedžad Korajlić, doc. dr. Mirza Smajić (po ovlaštenju), prof. dr. Izet Rađo, prof. dr. Mustafa Mehanović (po ovlaštenju), prof. dr. Dijana Avdić, prof. dr. Davorka Završnik, prof. dr. Salih Fočo, prof. dr. Samir Dolarević (po ovlaštenju), prof. dr. Izet Bijelonja, prof. dr. Almira Hadžović-Džuvo, prof. dr. Ivan Čavlović, prof. dr. Fatih Destović, prof. dr. Zlatan Sarić, prof. dr. Hajrija Sijerčić-Čolić, prof. dr. Rifat Škrijelj, prof. dr. Sead Redžepagić, prof. dr. Mirza Dautbašić, prof. dr. Nihad Fejzić, prof. dr. Nezir Krčalo, prof. dr. Naris Pojskić, prof. dr. Husnija Kamberović, dr. Alen Kalajdžija i dr. Aladin Husić (po ovlaštenju).

Ostali prisutni: prof. dr. Irfan Turković, prof. dr. Asim Mujkić, dr. sc. Suvad Konaković, generalni sekretar Univerziteta u Sarajevu, i Amar Nurković, student, član Upravnog odbora Univerziteta u Sarajevu.

Odsutni članovi Senata: prof. dr. Darko Tomašević i dr. Rasim Muratović.

Zasjedanje je počelo u 13:00 sati.

Predsjedavao je rektor prof. dr. Muharem Avdispahić, na čiji je prijedlog usvojen sljedeći

D N E V N I R E D

1. Usvajanje Zapisnika sa 38. redovne sjednice Senata Univerziteta u Sarajevu od 26. 11. 2015. godine
2.
 - a) Izbori u akademska i naučna zvanja
 - b) Raspisivanje konkursa za izbor akademskog osoblja
 - c) Angažman akademskog osoblja
 - d) Izmjene i dopune plana pokrivenosti nastave u studijskoj 2015/2016. godini
3. Doktorati nauka

4. a) Saglasnosti na nastavne planove i programe
b) Konkurs za upis kandidata na treći ciklus studija
c) Realizacija konkursa za upis kandidata na treći ciklus studija
d) Kriteriji za akreditaciju studijskih programa
5. Izmijenjeni i dopunjeni tekst Jedinog pravilnika o plaćama i naknadama osoblja Univerziteta u Sarajevu sa ugrađenim primjedbama, prijedlozima i sugestijama Upravnog odbora Univerziteta u Sarajevu
6. Mišljenje Odbora za normativna pitanja Univerziteta u Sarajevu
7. Prijedlog komisija za izmjene pravila studiranja za prvi, drugi i treći ciklus studija na Univerzitetu u Sarajevu
8. Izvještaj Komisije za raspodjelu sredstava Federalnog ministarstva obrazovanja i nauke za finansiranje/sufinansiranje projekata iz oblasti nauke od značaja za Federaciju Bosne i Hercegovine iz Budžeta za 2015. godinu
9. Prijedlog Sporazuma o naučnoistraživačkoj, obrazovnoj i tehničkoj saradnji u okviru Konzorcija članica Grupacije prirodno-matematičkih i biotehničkih nauka Univerziteta u Sarajevu
10. a) Konkurs za dodjelu stipendija studentima Univerziteta u Sarajevu iz Fonda „Suada Dilberović” u studijskoj 2015/2016. godini
b) Izvještaj o radu studentskih organizacija
c) Molba za izmirenje dugova fakulteta Studentskom parlamentu Univerziteta u Sarajevu
11. a) Pokretanje procedure za izbor studenta-prorektora Univerziteta u Sarajevu
b) Pokretanje procedure za izbor člana Upravnog odbora Univerziteta u Sarajevu iz reda studenata
12. Međunarodna saradnja
13. Izvještaj Komisije za priznavanje inozemnih visokoškolskih kvalifikacija
14. Akcioni plan za borbu protiv korupcije Vlade Kantona Sarajevo 2015–2019.
15. Informacije

TOK SJEDNICE

Ad-1.

Jednoglasno je usvojen Zapisnik sa 38. redovne sjednice Senata Univerziteta u Sarajevu od 26. 11. 2015. godine.

Ad-2.

- a) U skladu sa Zakonom o visokom obrazovanju Kantona Sarajevo (prečišćeni tekst) i Statutom Univerziteta u Sarajevu, Senat Univerziteta u Sarajevu izvršio je izbore u akademska zvanja, kako slijedi:

EKONOMSKI FAKULTET

- 2.1. Dr. Dženan Đonlagić u zvanje redovnog profesora za oblast *finansije*.

FAKULTET ZDRAVSTVENIH STUDIJA

- 2.2. Dr. Meliha Sakić u zvanje vanrednog profesora za predmet *Zdravstvena njega djece*.
2.3. Dr. Mehmed Cero u zvanje docenta za predmet *Planiranje i dizajniranje javnih i industrijskih objekata*.
2.4. Dr. Irma Salimović-Bešić u zvanje docenta za oblast *laboratorijske tehnologije u servisu mikrobiologije*.
2.5. Dr. Nurija Bilalović u isto zvanje – zvanje docenta za predmet *Disfunkcija ljudskog organizma*.
2.6. Mr. Mensura Šeremet u zvanje višeg asistenta za oblast *laboratorijske tehnologije u servisu mikrobiologije*.

FILOZOFSKI FAKULTET

- 2.7. Dr. Lejla Osmanović u zvanje docenta za oblast *romanistika*.
2.8. Dr. Ivan Radeljković u zvanje docenta za oblast *romanistika*.
2.9. Dr. Nermina Čengić u zvanje docenta za oblast *italijanski jezik i prevodenje*.
2.10. Dr. Ajla Demiragić u zvanje docenta za oblast *komparativna književnost*.
2.11. Edina Nurikić, MA, u zvanje višeg asistenta za oblast *turkologija*.

PEDAGOŠKI FAKULTET

- 2.12. Dr. Haris Memišević u zvanje docenta za oblast *specijalna pedagogija*.
2.13. Dr. Safet Velić u zvanje docenta za oblast *metodika nastave tehničkog odgoja*.
2.14. Mr. Maja Žmukić u isto zvanje – zvanje docenta za predmet *Likovna kultura*.
2.15. Mr. Mirzana Pašić-Kodrić u zvanje višeg asistenta za oblast *književnost*.

POLJOPRIVREDNO-PREHRAMBENI FAKULTET

- 2.16. Dr. Zlatan Sarić u zvanje redovnog profesora za oblast *tehnologija prehrambenih proizvoda animalnog porijekla*.

PRAVNI FAKULTET

- 2.17. Dr. Enver Ajanović u zvanje vanrednog profesora za oblast *upravno pravo i uprava*.

VETERINARSKI FAKULTET

- 2.18. Dr. Nedžad Gradašćević u zvanje docenta za oblast *preventivne mjere u animalnoj proizvodnji* (predmet: *Veterinarska radiobiologija sa radijacionom higijenom*).
2.19. Dr. Faruk Tandir u zvanje docenta za oblast *temeljne nauke veterinarske medicine* (predmeti: *Anatomija domaćih životinja I* i *Anatomija domaćih životinja II*).
2.20. Mr. Nedžad Hadžiomerović u zvanje višeg asistenta za oblast *temeljne nauke veterinarske medicine* (predmeti: *Anatomija domaćih životinja I* i *Anatomija domaćih životinja II*).

INSTITUT ZA JEZIK

2.21. Jasmin Hodžić u zvanje stručnog saradnika za oblast *lingvistika – bosanski, hrvatski i srpski jezik*.

FAKULTET ZA UPRAVU

2.22. Dr. Amina Hadžibegić-Bicciato u zvanje vanrednog profesora za oblast *engleski jezik*.

b) Date su saglasnosti za raspisivanje konkursa za izbore akademskog osoblja na: Akademiji likovnih umjetnosti, Ekonomskom fakultetu, Fakultetu zdravstvenih studija, Mašinskom fakultetu, Pedagoškom fakultetu, Poljoprivredno-prehrambenom fakultetu, Pravnom fakultetu, Prirodno-matematičkom fakultetu, Stomatološkom fakultetu sa klinikama, Šumarskom fakultetu i Veterinarskom fakultetu Univerziteta u Sarajevu.

U vezi sa raspisivanjem konkursa na Prirodno-matematičkom fakultetu Univerziteta u Sarajevu, nakon rasprave Senat Univerziteta je donio sljedeći

ZAKLJUČAK

1. Odlaze se izjašnjavanje o tački Ad-2b) „Raspisivanje konkursa za izbor nastavnika“ u sva zvanja za oblasti *društvena geografija i turizam*, 1 izvršilac, na Prirodno-matematičkom fakultetu, do naredne sjednice Senata.
 2. Upućuje se materijal Vijeću Prirodno-matematičkog fakulteta na ponovno razmatranje jer, prema izjavi dekana Prirodno-matematičkog fakulteta, riječ je o raspisivanju konkursa pokrenutom po osnovu napredovanja doc. dr. Alme Pabrić, a da Vijeće Prirodno-matematičkog fakulteta u trenutku usvajanja prijedloga za raspisivanje konkursa nije imalo saznanja o sljedećim okolnostima:
 - Kantonalna uprava za inspekcijske poslove je 30. 04. 2015. godine izdala Rješenje br. UP-1-14-09-38-06070/15-09/20 kojim se JU Univerzitet u Sarajevu nalaže osiguranje zakonitosti u roku od osam dana od Odluke Senata Univerziteta u Sarajevu br. 01-38-247-14/11 od 26. 01. 2011. godine kojom je data saglasnost na izbor dr. Alme Pabrić u zvanje docenta za oblast *društvena geografija* na Prirodno-matematičkom fakultetu Univerziteta u Sarajevu;
 - Univerzitet u Sarajevu je izjavio žalbu Ministarstvu za obrazovanje, nauku i mlade Kantona Sarajevo na navedeno rješenje;
 - Ministarstvo za obrazovanje, nauku i mlade Kantona Sarajevo je 01. 09. 2015. godine izdalo Rješenje br. 11-05-38-1185-1/15 kojim se žalba Univerziteta u Sarajevu odbija kao neosnovana.
 3. Imajući u vidu navedeno, Senat Univerziteta smatra da je potrebno da se o svemu ponovno izjasni Vijeće Prirodno-matematičkog fakulteta, kako bi Senat Univerziteta zauzeo konačan stav.
- c) Data je saglasnost na angažman gostujućih profesora na Filozofskom fakultetu i Prirodno-matematičkom fakultetu Univerziteta u Sarajevu.

- d) Usvojen je prijedlog za izmjene i dopune plana pokrivenosti nastave u studijskoj 2015/2016. godini na Fakultetu islamskih nauka Univerziteta u Sarajevu.

Ad-3.

Doktorati – treći ciklus studija (doktorski studij)

Jednoglasno su donesene odluke kojima se obrazuju sljedeće komisije za ocjenu uvjeta kandidata i podobnosti teme doktorske disertacije:

ELEKTROTEHNIČKI FAKULTET

- 3.1.** Obrazuje se Komisija za ocjenu uvjeta kandidata mr. Bakira Karahodže i podobnosti teme doktorske disertacije pod naslovom *Modeliranje promjena u sklonostima korisnika u sistemima za preporučivanje* u sljedećem sastavu:

1. dr. Haris Šupić, vanredni profesor, predsjednik
2. dr. Dženana Đonko, vanredni profesor, član i
3. dr. Željko Jurić, vanredni profesor, član.

GRAĐEVINSKI FAKULTET

- 3.2.** Obrazuje se Komisija za ocjenu uvjeta kandidata Senada Medića, MA, i podobnosti teme doktorske disertacije pod naslovom *Eksperimentalna i numerička analiza zidova od pune opeke izloženih utjecaju potresa* u sljedećem sastavu:

1. dr. Muhamed Zlatar, profesor emeritus, predsjednik
2. dr. Mustafa Hrasnica, redovni profesor, član i
3. dr. Samir Dolarević, vanredni profesor, član.

MAŠINSKI FAKULTET

- 3.3.** Obrazuje se Komisija za ocjenu uvjeta kandidata mr. Svjetlane Zečević i podobnosti teme doktorske disertacije pod naslovom *Razvoj modela za određivanje optimalne kombinacije mjera energijske efikasnosti i tehnologija obnovljivih izvora energije na zgradama visokoobrazovnih institucija u Bosni i Hercegovini* u sljedećem sastavu:

1. dr. Dženana Bijedić, docent, predsjednik
2. dr. Ejub Džaferović, redovni profesor, član
3. dr. Azrudin Husika, docent, član i
4. dr. Amira Salihbegović, docent, član.

POLJOPRIVREDNO-PREHRAMBENI FAKULTET

- 3.4.** Obrazuje se Komisija za ocjenu uvjeta kandidata Mirze Uzunovića, MA, i podobnosti teme doktorske disertacije pod naslovom *Upravljanje ukupnim kvalitetom kao osnov izgradnje konkurentskih prednosti kompanija sektora bezalkoholnih pića u Bosni i Hercegovini* u sljedećem sastavu:

1. dr. Dragana Ognjenović, vanredni profesor, predsjednik
2. dr. Aleksandra Nikolić, vanredni profesor, član
3. dr. Sabahudin Bajramović, redovni profesor, član i
4. dr. Naris Pojskić, naučni savjetnik, član.

3.5. Obrazuje se Komisija za ocjenu uvjeta kandidata Jasmina Grahića, MA, i podobnosti teme doktorske disertacije pod naslovom *Autohtone populacije heljde u funkciji organske poljoprivredne proizvodnje na području Bosne i Hercegovine* u sljedećem sastavu:

1. dr. Drena Gadžo, vanredni profesor, predsjednik
2. dr. Mirha Đikić, vanredni profesor, član i
3. dr. Fuad Gaši, vanredni profesor, član.

3.6. Obrazuje se Komisija za ocjenu uvjeta kandidata Amile Vranac, MA, i podobnosti teme doktorske disertacije pod naslovom *Distribucija polifenolnih komponenti u sokovima od jabuke* u sljedećem sastavu:

1. dr. Nermina Spaho, vanredni profesor, predsjednik
2. dr. Asima Akagić, vanredni profesor, član
3. dr. Zilha Ašimović, vanredni profesor, član
4. dr. Pakeza Drkenda, vanredni profesor, član i
5. dr. Fuad Gaši, vanredni profesor, član.

FAKULTET ZA UPRAVU

3.7. Obrazuje se Komisija za ocjenu uvjeta kandidata mr. Đevada Šašića i podobnosti teme doktorske disertacije pod naslovom *Unaprjeđenje efektivnosti jedinica lokalne samouprave u Bosni i Hercegovini kroz primjenu Balanced Scorecard modela* u sljedećem sastavu:

1. dr. Senad Softić, vanredni profesor, predsjednik
2. dr. Elvir Čizmić, vanredni profesor, član i
3. dr. Elmir Sadiković, docent, član.

Jednoglasno je donesena odluka kojom se verificiraju izvještaji komisija za ocjenu uvjeta kandidata i podobnosti teme doktorske disertacije:

3.8. Verificira se Izvještaj Komisije za ocjenu uvjeta kandidata mr. Emira Kurtića i podobnosti teme doktorske disertacije pod naslovom *Development and construction of an employee coachability measure*, koji je usvojen od Nastavno-naučnog vijeća Ekonomskog fakulteta Univerziteta u Sarajevu.

3.9. Verificira se Izvještaj Komisije za ocjenu uvjeta kandidata Belme Puške, MA, i podobnosti teme doktorske disertacije pod naslovom *Finansijski indikatori u funkciji procjene neizmirenja kreditnih obaveza*, koji je usvojen od Nastavno-naučnog vijeća Ekonomskog fakulteta Univerziteta u Sarajevu.

3.10. Verificira se Izvještaj Komisije za ocjenu uvjeta kandidata mr. Amre Kraljić i podobnosti teme doktorske disertacije pod naslovom *Evaluacija i modeliranje uticaja ponašanja korisnika na namjeru korištenja i korištenje mobilnog interneta u Bosni i Hercegovini*, koji je usvojen od Nastavno-naučnog vijeća Ekonomskog fakulteta Univerziteta u Sarajevu.

3.11. Verificira se Izvještaj Komisije za ocjenu uvjeta kandidata Denisa Berberovića, MA, i podobnosti teme doktorske disertacije pod naslovom *Consumer identity construction in marketing: Understanding symbolic*

consumption of the diaspora market segment, koji je usvojen od Nastavno-naučnog vijeća Ekonomskog fakulteta Univerziteta u Sarajevu.

- 3.12.** Verificira se Izvještaj Komisije za ocjenu uvjeta kandidata Rialde Ćorović, MA, i podobnosti teme doktorske disertacije pod naslovom *Restorativna pravda u sistemu krivičnog pravosuđa*, koji je usvojen od Nastavno-naučnog vijeća Pravnog fakulteta Univerziteta u Sarajevu.

Jednoglasno su donesene odluke kojima se obrazuju komisije za odbranu doktorskih disertacija:

ARHITEKTONSKI FAKULTET

- 3.13.** Obrazuje se Komisija za odbranu doktorske disertacije kandidata Bujara Demjahe, dipl. ing. arh., pod naslovom *Promjena koncepta prostorne organizacije seoskih škola u funkciji razvijanja ruralnih područja Kosova* u sljedećem sastavu:

1. dr. Denis Zvizdić, vanredni profesor, predsjednik
2. dr. Ahmet Hadrović, redovni profesor, član i
3. dr. Adnan Pašić, vanredni profesor, član.

- 3.14.** Obrazuje se Komisija za odbranu doktorske disertacije kandidata Vedada Islambegovića, dipl. ing. arh., pod naslovom *Arhitektura i procesi prostorne samoorganizacije u kontekstu postindustrijskog doba* u sljedećem sastavu:

1. dr. Amir Pašić, redovni profesor, predsjednik
2. dr. Ahmet Hadrović, redovni profesor, član i
3. dr. Denis Zvizdić, vanredni profesor, član.

PRIRODNO-MATEMATIČKI FAKULTET

- 3.15.** Obrazuje se Komisija za odbranu doktorske disertacije kandidata mr. Mirsade Salihović pod naslovom *Sinteza i strukturna karakterizacija novih analoga acikličnih nukleozida i njihova biološka aktivnost* u sljedećem sastavu:

1. dr. Milka Maksimović, redovni profesor, predsjednik
2. dr. Emin Sofić, profesor emeritus, član
3. dr. Amira Čopra-Janićijević, vanredni profesor, član i
 - dr. Danijela Vidic, docent, rezervni član.

- 3.16.** Obrazuje se Komisija za odbranu doktorske disertacije kandidata mr. Saide Ibragić pod naslovom *Analiza prirodnih i sintetskih biogenih amina i njihovih metabolita HPLC-ED i HPLC-UV/VIS metodama* u sljedećem sastavu:

1. dr. Milka Maksimović, redovni profesor, predsjednik
2. dr. Emin Sofić, profesor emeritus, član
3. dr. Ismet Tahirović, vanredni profesor, član i
 - dr. Amira Čopra-Janićijević, vanredni profesor, rezervni član.

- 3.17.** Obrazuje se Komisija za odbranu doktorske disertacije kandidata mr. Hermine Alajbegović pod naslovom *Kristalografske grupe i rast podgrupa* u sljedećem sastavu:

1. dr. Almasa Odžak, docent, predsjednik
2. dr. Muharem Avdispahić, redovni profesor, član
3. dr. Dženan Gušić, docent, član i
 - dr. Nacima Memić, vanredni profesor, rezervni član.

3.18. Obrazuje se Komisija za odbranu doktorske disertacije kandidata mr. Adisa Alihodžića pod naslovom *Poboljšanje optimizacije metaheuristike* u sljedećem sastavu:

1. dr. Senada Kalabušić, redovni profesor, predsjednik
2. dr. Milan Tuba, redovni profesor (Univerzitet Megatrend u Beogradu), član,
3. dr. Xin-She Yang, vanredni profesor (Univerzitet Middlesex u Londonu), član
 - dr. Esmir Pilav, vanredni profesor, rezervni član.

Jednoglasno su donesene odluke kojima se prihvataju izvještaji komisija o toku i rezultatu odbrane doktorske disertacije kandidata:

ELEKTROTEHNIČKI FAKULTET

- 3.19.** Dinko Osmanković, MA: *Generiranje trodimenzionalnih termalnih modela unutarnjih prostora zasnovano na fuziji laserskih i termovizijskih podataka.*
- 3.20.** Mr. Emir Sokić: *Algoritmi za analizu oblika na bazi Fourierovih deskriptora.*

FILOZOFSKI FAKULTET

- 3.21.** Mr. Muhamed Nametak: *Privilegovana zemaljska banka za Bosnu i Hercegovinu i njezina djelatnost 1895–1914. godine.*
- 3.22.** Almir Marić, MA: *Antičko društvo na prostoru današnje Hercegovine.*
- 3.23.** Mr. Sedad Bešlija: *Društveno-političke prilike u Hercegovačkom sandžaku od Žitvanskog do Karlovačkog mira (1606.–1699.).*

MUZIČKA AKADEMIJA

- 3.24.** Mr. Milan Lucić: *Izvođačke specifičnosti u klavirskoj literaturi prve polovine 19. stoljeća.*

Doktorati nauka – predbolonjski

Jednoglasno su donesene odluke kojima se obrazuju komisije za ocjenu i odbranu doktorskih disertacija:

ELEKTROTEHNIČKI FAKULTET

3.25. Obrazuje se Komisija za ocjenu i odbranu doktorske disertacije kandidata mr. Esada Kadušića pod naslovom *Jedan pristup poboljšanju sveukupne performanse procedure signalizacije upravljanja mobilnošću i podrške QoS-u u celularnim all-IP mrežama* u sljedećem sastavu:

1. dr. Mesud Hadžialić, redovni profesor, predsjednik
2. dr. Mirko Škrbić, redovni profesor, član
3. dr. Željko Jurić, vanredni profesor, član i

4. dr. Nataša Živić, docent, član.

3.26. Obrazuje se Komisija za ocjenu i odbranu doktorske disertacije kandidata mr. Pamele Njemčević pod naslovom *Doprinos statističkoj procjeni parametara sporog fedinga* u sljedećem sastavu:

1. dr. Mesud Hadžialić, redovni profesor, predsjednik
2. dr. Vladimir Lipovac, redovni profesor (Sveučilište u Dubrovniku), član
3. dr. Borivoj Modlic, redovni profesor (Sveučilište u Zagrebu), član.

GRAĐEVINSKI FAKULTET

3.27. Obrazuje se Komisija za ocjenu i odbranu doktorske disertacije kandidata mr. Suade Džebo pod naslovom *Istraživanje utjecajnih parametara i definisanje modela pripisivanja preusmjerenog saobraćaja na planiranu obilaznicu* u sljedećem sastavu:

1. dr. Branko Mazić, profesor emeritus, predsjednik
2. dr. Mehmed Bublin, profesor emeritus, član i
3. dr. Mirza Pozder, docent, član.

PRIRODNO-MATEMATIČKI FAKULTET

3.28. Obrazuje se Komisija za ocjenu i odbranu doktorske disertacije kandidata mr. Harisa Gekića pod naslovom *Geografske osnove poljoprivredne proizvodnje u Uskopaljskoj kotlini* u sljedećem sastavu:

1. dr. Andrej Černe, redovni profesor (Univerzitet u Ljubljani), predsjednik
2. dr. Rahman Nurković, redovni profesor, mentor
3. dr. Lučka Lorber, vanredni profesor (Univerzitet u Mariboru), član i
 - dr. Senada Nezirović, docent, rezervni član.

VETERINARSKI FAKULTET

3.29. Obrazuje se Komisija za ocjenu i odbranu doktorske disertacije kandidata mr. Dženite Hadžijunuzović-Alagić pod naslovom *Dijagnostika patologije lumbalnog i lumbosakralnog dijela kralježnice psa primjenom native rendgenografije, mijelografije i kompjuterizirane tomografije* u sljedećem sastavu:

1. dr. Selma Filipović, vanredni profesor, predsjednik
2. dr. Mensur Šehić, profesor emeritus (Sveučilište u Zagrebu), član i
3. dr. Nikola Krstić, redovni profesor (Univerzitet u Beogradu), član.

3.30. Jednoglasno je donesena odluka o promjeni mentora pri izradi doktorske disertacije kandidata mr. Mirele Perić na Pravnom fakultetu Univerziteta u Sarajevu.

Ad-4.

a) Saglasnosti na nastavne planove i programe

- Data je saglasnost na izmjene i dopune nastavnog plana i programa trećeg ciklusa studija (dokorskog studija) iz matične oblasti *kriminalistika, kriminologija i sigurnosne studije* i programa cjeloživotnog učenja

- na Fakultetu za kriminalistiku, kriminologiju i sigurnosne studije Univerziteta u Sarajevu.
- Data je saglasnost na pokretanje studijskog programa doktorskih studija iz islamskih nauka na Fakultetu islamskih nauka Univerziteta u Sarajevu.
- b) Data je saglasnost na raspisivanje konkursa za upis kandidata na treći ciklus studija (doktorski studij) na Fakultetu islamskih nauka Univerziteta u Sarajevu u studijskoj 2015/2016. godini.
- c) Usvojena je konačna lista kandidata za upis na treći ciklus interdisciplinarnog (dokorskog) studija *Savremeni tokovi predškolskog i osnovnoškolskog odgoja i obrazovanja* na Pedagoškom fakultetu Univerziteta u Sarajevu.
- d) U vezi sa strateškim opredjeljenjem Senata da se pristupi akreditaciji studijskih programa, Senat je upoznat sa odlukom o dopuni odluke o kriterijima za akreditaciju visokoškolskih ustanova u Bosni i Hercegovini koju je donijela Agencija za razvoj visokog obrazovanja i osiguranje kvaliteta BiH, te je konstatirana potreba da se u saradnji sa resornim kantonalnim ministarstvom ubrza ispunjenje preduvjeta kako bi se proveo proces programske akreditacije.

Ad-5.

Povodom razmatranja izmijenjenog i dopunjenog teksta Prijedloga Jedinstvenog pravilnika o plaćama i naknadama osoblja Univerziteta u Sarajevu sa ugrađenim primjedbama, prijedlozima i sugestijama Upravnog odbora Univerziteta u Sarajevu, izvjestilac je bio član Komisije za izradu nacrtu Pravilnika, prof. dr. Irfan Turković. U diskusiji koja je uslijedila učestvovali su: prof. dr. Muharem Avdispahić, prof. dr. Irfan Turković, prof. dr. Ivan Čavlović, prof. dr. Izet Bijelonja, prof. dr. Nihad Fejzić i prof. dr. Rifat Škrijelj.

Po okončanju diskusije članovi Senata su zaključili sljedeće:

- da se član 4. stav (1) uskladi sa novim Općim kolektivnim ugovorom;
- da se u članu 4. stav (2) briše riječ „druge“.

Senat je uz prethodni zaključak, uz 3 (tri) glasa „protiv“ i 7 (sedam) „suzdržanih“ glasova, usvojio mišljenje Komisije i utvrdio konačan Prijedlog Jedinstvenog pravilnika o plaćama i naknadama osoblja Univerziteta u Sarajevu koji se prosljeđuje Upravnom odboru Univerziteta u Sarajevu na daljnje postupanje.

Također je zaključeno da raspravi o toj tački na sjednici Upravnog odbora Univerziteta u Sarajevu, koja će se održati u utorak 29. 12. 2015. s početkom u 16:00 sati, obavezno prisustvuje predstavnik Komisije za izradu nacrtu teksta Prijedloga Jedinstvenog pravilnika o plaćama i naknadama osoblja Univerziteta u Sarajevu.

Ad-6.

Jednoglasno je donesena odluka kojom se prihvata mišljenje Odbora za normativna pitanja u vezi sa općim aktima organizacionih jedinica imajući u vidu statutarne i zakonske odredbe u pogledu njihovog donošenja i sadržaja.

Zadužuju se stručne službe Univerziteta u Sarajevu da istu dostave svim organizacionim jedinicama na daljnje postupanje.

Ad-7.

Odlaze se imenovanje komisija za izmjene pravila studiranja za prvi, drugi i treći ciklus studija na Univerzitetu u Sarajevu za narednu sjednicu Senata, nakon što se prijedlozi dodatno usaglase na sjednicama grupacija nauka/umjetnosti.

U vezi s navedenim, Senat je zaključio da Grupacija medicinskih nauka utvrdi prijedlog za imenovanje komisije za donošenje pravila studiranja za integrirani studij koji se izvodi unutar Grupacije medicinskih nauka.

Ad-8.

Senat Univerziteta u Sarajevu je, uz tri glasa protiv i uz tri suzdržana glasa, donio sljedeću

ODLUKU

Daje se saglasnost na Izvještaj Komisije za raspodjelu sredstava Federalnog ministarstva obrazovanja i nauke za finansiranje/sufinansiranje projekata iz oblasti nauke od značaja za Federaciju Bosne i Hercegovine iz Budžeta za 2015. godinu.

U vezi sa navedenim konstatirano je da se preostala sredstva koja nisu realizirana po ovom konkursu raspodijele na isti način kao i dosadašnja, sa posebnim osvrtom na Grupaciju umjetnosti, imajući u vidu činjenicu da je ova grupacija najmanje zastupljena u dodjeli ovih sredstava.

Ad-9.

Usvojen je Prijedlog sporazuma o naučnoistraživačkoj, obrazovnoj i tehničkoj saradnji u okviru Konzorcija članica Grupacije prirodno-matematičkih i biotehničkih nauka Univerziteta u Sarajevu.

Ad-10.

a) Jednoglasno je donesena

ODLUKA

kojom se daje saglasnost na raspisivanje konkursa za dodjelu ukupno 95 stipendija studentima Univerziteta u Sarajevu iz Fonda „Suada Dilberović” u studijskoj 2015/2016. godini.

b) Izvještaj o radu studentskih organizacija, koji je Senatu Univerziteta podnio student-prorektor gosp. Samir Arnautović, prihvaćen je uz konstataciju da je potrebno što prije sazvati skupštinu Studentskog parlamenta kako bi se izvršio izbor predstavnika studenata u tijela Univerziteta, te da je neophodno uskladiti Statut Studentskog parlamenta sa Zakonom o studentskom organiziranju Kantona Sarajevo.

c) Članovi Senata su, razmatrajući molbu za izmirenje dugova fakulteta i akademija prema Studentskom parlamentu Univerziteta u Sarajevu, zaključili da je potrebno da Studentski parlament dostavi detaljan pregled dugovanja (dokazi o izvršenju usluga) fakulteta i akademija Univerziteta u Sarajevu po projektima za koja su utrošena sredstva, kako bi fakulteti i akademije imali osnov za uplatu navedenih dugovanja.

Ad-11.

a) Odlaze se pokretanje procedure za izbor studenta-prorektora Univerziteta u Sarajevu jer nije održana skupština Studentskog parlamenta Univerziteta u Sarajevu, što je uvjet da bi se mogla pokrenuti procedura za izbor studenta-prorektora.

b) Odlaze se pokretanje procedure za izbor člana Upravnog odbora Univerziteta u Sarajevu iz reda studenata jer nije održana skupština Studentskog parlamenta Univerziteta u Sarajevu, što je uvjet da bi se mogla pokrenuti procedura za izbor člana Upravnog odbora Univerziteta u Sarajevu iz reda studenata.

Ad-12.

a) Senat je jednoglasno donio sljedeći

Z A K L J U Č A K

Senat daje podršku za realizaciju „Evropskog regionalnog master programa za ljudska prava i demokratiju u jugoistočnoj Evropi (ERMA)“, koji implementira Univerzitet u Sarajevu/Centar za interdisciplinarnе studije i Evropski interuniverzitetski centar za ljudska prava i demokratiju (EIUC).

Navedeni projekat treba nastaviti kako zbog dugogodišnje tradicije tako zbog važnosti i vrijednosti samog projekta.

Imajući u vidu da je Evropska komisija obezbijedila sredstva za svoj udio (76% finansira Evropska komisija, a preostali dio od 24% namiruje se iz drugih izvora), a da Univerzitet u Sarajevu do sada nije izdvajao sredstva za ove namjene, nego je iste obezbjeđivala Republika Italija sa kojom je Univerzitet u Sarajevu zaključivao ugovor nakon potpisivanja sporazuma sa Evropskom komisijom, potrebno je da Univerzitet u Sarajevu osigura mehanizme u pogledu sufinansiranja projekta, kako se ne bi dovela u pitanje buduća realizacija projekta.

Imajući u vidu navedeno, Senat je zaključio da – na sjednici Upravnog odbora koja će se održati 29. 12. 2015. godine – o navedenoj tački izvjestilac bude prof. dr. Asim Mujkić, kodirektor programa ERMA.

b) Daje se podrška rektoru Univerziteta u Sarajevu za zaključivanje ugovora sa Ambasadom Italije u Sarajevu u svrhu provođenja programa ERMA Centra za interdisciplinarnе studije Univerziteta u Sarajevu radi obezbjeđivanja sredstava u iznosu od 89.655,00 eura, koji se odnosi na troškove ostvarene u periodu od 19. 02. 2013. godine do 07. 06. 2013. godine. Navedeni troškovi ostvareni su u periodu između potpisa Dekreta DGCS-a br. 49. od 19. 02. 2013. godine i Ugovora sa Univerzitetom od 07. 06. 2013. Ukazano je na činjenicu da je 23. 10. 2013. godine odobrena izmjena finansijskog plana inicijative „Evropski regionalni program za ljudska prava i demokratiju jugoistočne Evrope“, u kojoj je precizirano da će preostala sredstva u iznosu od 89.655,00 eura biti predmetom naknadnog ugovora i da će plaćanje Univerzitetu u Sarajevu (CIS-u) biti izvršeno

naknadno od Ambasade Italije u Sarajevu, čija se obaveza i realizira zaključivanjem ovog ugovora.

- c) Nakon uvodnog obraćanja prof. dr. Muharema Avdispahića u vezi sa zahtjevom za povrat sredstava namijenjenih realizaciji projekta „Doprinos ustavnoj reformi u Bosni i Hercegovini“ (podnosilac: Ambasada Švicarske u Bosni i Hercegovini/Ured za kooperaciju, po opunomoćeniku advokatu Zlatku Šehoviću), diskutirali su: prof. dr. Rifat Škrijelj, prof. dr. Izet Rađo, prof. dr. Muharem Avdispahić i prof. dr. Ugo Vlajsavljević. Po okončanju diskusije zaključeno je da je, u cilju zaštite interesa i međunarodne reputacije Univerziteta u Sarajevu, doznačeni dugovani iznos od 72.102,00 KM potrebno isplatiti Ambasadi Švicarske u Bosni i Hercegovini iz vlastitih prihoda Univerziteta u Sarajevu. Prof. dr. Muharem Avdispahić je istakao da će Univerzitet navedeni dugovani iznos potraživati sudskim putem u postupku utvrđivanja odgovornosti osoba na Univerzitetu koje su prouzrokovale isti utrošak.

U vezi sa navedenim Senat Univerziteta u Sarajevu jednoglasno je donio sljedeću

O D L U K U

Daje se podrška rektoru Univerziteta u Sarajevu za povrat dugovanih sredstava namijenjenih realizaciji projekta „Doprinos ustavnoj reformi u Bosni i Hercegovini“ u iznosu od 72.102,00 KM (sedamdesetdvijehiljadestotinuidvijekonvertibilnemarka), a u cilju zaštite interesa i međunarodne reputacije Univerziteta u Sarajevu.

Dugovani iznos iz tačke I ove odluke potrebno je isplatiti Ambasadi Švicarske u Bosni i Hercegovini/Uredu za kooperaciju iz vlastitih prihoda Univerziteta u Sarajevu.

Univerzitet u Sarajevu će dugovani iznos iz tačke I ove odluke potraživati sudskim putem u postupku utvrđivanja odgovornosti osoba na Univerzitetu koje su prouzrokovale isti utrošak.

O b r a z l o ž e n j e

Senat Univerziteta u Sarajevu je, u cilju osiguranja zaštite ugleda, interesa i međunarodne reputacije Univerziteta, dao punu podršku rektoru Univerziteta u Sarajevu prof. dr. Muharemu Avdispahiću da osigura povrat nedostajućih sredstava Ambasadi Švicarske u Bosni i Hercegovini i to iz vlastitih sredstava Univerziteta, kao i da se, sa druge strane, poduzmu koraci kako bi se ubrzao postupak po dopisu rektora Tužilaštvu Kantona Sarajevo br. 0101-14-149/14 od 26. 02. 2014. godine, te potraživala nedostajuća sredstva sudskim putem od odgovornih osoba na Univerzitetu koje su isti utrošak i prouzrokovale. S tim u vezi donesena je odluka kao u dispozitivu.

- d) Data je saglasnost na potpisivanje protokola o razmjeni u okviru programa „Mevlana“ između Univerziteta u Sarajevu i Univerziteta „Erciyes“ (Republika Turska).

Ad-13.

Usvojen je Izvještaj Komisije za provođenje postupka stručnog priznavanja inozemnih visokoškolskih kvalifikacija od 16. 12. 2015. godine.

Ad-14.

Senat je upoznat s aktom Ministarstva za obrazovanje, nauku i mlade Kantona Sarajevo br. 11/01-05-32030 od 14. 12. 2015. godine, kojim se obavještavaju sve javne ustanove odgoja i obrazovanja na području Kantona Sarajevo da donesu akcione planove za borbu protiv korupcije 2015–2019, a ako imaju svoj postojeći plan za borbu protiv korupcije, potrebno da isti preispitaju te revidiraju odnosno usklade sa Akcionim planom za borbu protiv korupcije Vlade Kantona Sarajevo 2015–2019.

Ad-15.

Senat Univerziteta u Sarajevu je upoznat sa zahtjevom Ministarstva za obrazovanje, nauku i mlade Kantona Sarajevo prema organizacionim jedinicama za dostavu komentara na izmijenjeni tekst Pravilnika o utrošku vanbudžetskih sredstava u okviru Univerziteta u Sarajevu u odnosu na Prijedlog Pravilnika koji je utvrdio Upravni odbor Univerziteta na sjednici od 10. 09. 2015. godine.

Senat predlaže da Komisija – imenovana od Upravnog odbora, koja je utvrdila nacrt teksta Prijedloga usvojenog od Upravnog odbora, a u kojoj su se nalazili predstavnici Upravnog odbora, Ministarstva za obrazovanje, nauku i mlade, Ministarstva finansija Kantona Sarajevo, šest grupacija nauka/umjetnosti kao tijela Senata, predsjednik Sindikata Univerziteta u Sarajevu i predstavnik Studentskog parlamenta – razmotri izmjene i Upravnom odboru kao predlagачu dostavi komentare, prijedloge i sugestije kako bi Ministarstvo dobilo stav Univerziteta u vezi sa izmijenjenim tekstom Pravilnika.

Sjednica je završena u 17:00 sati.

Rektor

Prof. dr. Muharem Avdispahić, dr. h. c., s. r.

Zapisničar:

Mirnes Ibrić, dipl. iur, s. r.